



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotae.

Leroy, François

Pragae, 1666

§.1. Christi per vicos & plateas raptati consideratio.

[urn:nbn:de:hbz:466:1-47123](https://nbn-resolving.org/urn:nbn:de:hbz:466:1-47123)

& nostri gratiâ, non autem ut Dei & ipsius causâ, amemus, in nobis vivere permittendum: sive (ut nonnulli dixerunt, cum aliqua quidem exaggeratione, sed ad rem oculis subiiciendam appositè, Theologiæ mysticæ Doctores) nulla in nobis restare debet gutta sanguinis, quæ non sit divino more excocta.

*Suso serm. 4.
Blos. inst. sp.
c. 7.
Eckardus a-
pud Thaul.
&c.*

Quæ sanè, nimisquam fallitur, qui putaverit, opus (ut ita dicam) unius diei, aut defunctoriæ operæ laborem esse, aut absque agone, lucta, vulnere, evinci & obtineri posse. Veruntamen devota voluntas cum divina gratiâ potest omnia; & pedetentim ac passim progrediendo, ascenditur etiam ad summa. Quare quotidiano orationis studio, & abnegationis sui exercitio, naturæ pravitas parte aliquâ vincenda & emendanda est, quò sensim discat esse subiecta; deq; homine veteri, & inolitâ nobis vittorum rubigine, aliquid assiduè deterendum: habendumq; præ oculis opportunum in præsens, præceptum S. Francisci Xaverij; qui, ut proditur in ejus vita: *Socios identidem adhibebat, ut semet parvis in rebus vincere assuescerent: ita dum magnorum certaminum fore victores.*

L. 4. Vit. c. 9.

Atque isti ferè sunt fructus, quos ex horto Gethsemani, & memorabili in illo Christi oratione colligendos petavimus.

CAPVT III.

Imitatio Christi circumducti per vias Jerusalem.

§. I.

Christi per vicos & plateas raptati consideratio.

Cum, ut principio hujus quintæ partis diximus, omnis Christi actio, nostra sit instructio; & vel sibi videri

ffimenti ejus salutari contactu adhibita, hoc est (sicut licet interpretari) etiam extrema ac minima sacra ejus humanitatis operatio pia meditatione tractata, multum valeat ad curandas nostras infirmitates: possumus & ex his Salvatoris nostri itineribus, nonnulla ad usus quotidianos salutaria deducere, & ad propositum nobis exemplum, mores nostros utiliter informare.

In primis igitur considerabis, quemadmodum benignissimus **JESUS**, ab insolenti licetorum ac satellitum turba, non tam circumducitur, quam ultro citroque, de tribunali ad tribunal, raptatur per vicos & plateas Jerosolymæ; quo militum clamore; quo populi undique confluentis concursu; quam varijs spectantium aut comitantium affectibus: dum alij mirantur tantum Prophetam tam barbaris & indignis tractari modis; alij, & plures, seductorem, veneficum, sacrilegum inclamant; alij, & pauci, ut in tanto numero, attestantur ejus innocentiam, & subitam rerum conversionem, hominisque sanctissimi vices, ac sortem iniquam miserantur. Inse te quoque ei comitantium turbae, & praecurrentem Dominum devotis vestigijs affectans, ea qua geruntur, attentius contemplare.

Inspice praesertim, quo inter haec habitu Salvatoris, quam modesta atque honesta (quantum ei quidem per militarem insolentiam licebat) totius corporis compositione, processerit: qua verecundia, quo pudore suffusus, non tam ob sannas & opprobria, quibus undique atrociter impetebatur homo mansuetissimus & innocentissimus, quam quod ante oculos Patris irati compareret, portans iniquitates nostras, & tanquam hircus emissarius, populi peccatis & imprecationibus onustus, per urbis vicos circumduceretur, mox eijciendus extra castra, & veluti in solitudine ferarum dentibus ad certam mortem obijciendus. Itaque vultu rubore confuso, quod speciem ac personam peccatoris gereret,

Levit. 26.

Kkkk.

ret,

ret, humi obversos tenebat oculos, nisi quod subinde illos sustollebat in cœlum; id præsertim agens atque contentens, ut Patrem suum mundo placaret, & suâ illâ confusione, ab æterno nos opprobrio & confusione liberaret.

§. 2.

Nonnullæ ad eam imitationem opportuna præceptiones.

ERgo ad nonnullam Redemptoris tui in re proposita imitationem, ista quæ subijcimus attende.

Primò: Quando procedes in publicum, id eâ tui circumspeditione, eâ corporis ac vultûs compositione, facito; quasi Christum Dominum per vias Jerosolymæ circumductum, aut jam crucem suam bajulantem, comitateris; & mulari studens illius insignem modestiam, quam ita commendat Apostolus, ut per illam Corinthios obsecret, dicens:

2. Cor. 10.

Secundò: Procede cum interiori mentis confusione, memor peccatorum tuorum, quibus & æterna inferni supplicia meritus es, & causam præbuisi tot supplicijs ac doloribus, ipsiq; adeò amarissimæ morti Domini ac Dæi tui.

L. 4. Vit. c. 1.

Finge peccata tua atq; imperfectiones toti mundo notas, & te ut hujus istiusve vitij fœditate conspicuû ab omnibus notari. Quemadmodum de B. Francisco Borgia accepimus: qui cum ab inferni meditatione recens veniret, solito tristior per vias incedere visus est; quòd omnes crederet, se tanquam hominem ab inferis existentem intueri.

Aliàs (quod huc quoq; pertinet) finges te, ut reum & scelerum tuorum vinculis constrictû ad tribunal duci divinæ Justitiæ. Quod quidem re ipsâ verum est, si rectè attendimus: quandoquidē hæc vita mortalis, nihil nisi via sit, primum ad mortem, deinde ad divinum judicium: tamen ea via fortassis aliquantò longior est futura. Ut igitur reus qui ad Judicis tribunal trahitur, incertus de vitæ mortisve sen-